

Inatsisartut Suleriaasianni § 37 naapertorlugu Naalackersuisut apeqqutit imaattut matumuuna saqqummiuppakka:

Inuusuttut 25-it inorlugit ukiullit, inunnut ulorianartumik pinerluuteqarsimasutut eqqartuunneqarsimasut immikkut iliuseqarfigineqarnissaannik pisariaqartitsineq pillugu Naalackersuisunut apeqqutit.

(Inatsisartunut ilaasortaq Akitsinguaq Olsen, Siumut)

A) Inuusuttut 18-it 25-illu akornanni ukiullit inunnut ulorianartumik pinerluuteqarsimasutut eqqartuunneqarsimasut perorsaanikkut/inuuniarnikkut suliniuteqarfigisariaqartutut Naalackersuisut nalilerpaat? Imaluunniit maanna persuttaasarneq pillugu suliniutaasut ukioqatigiinnut siuliani taasanut naleqquttutut nalilerneqarpat?

B) Inuit inoqatiminnut ulorianartumik pinerluuteqarsimasut qanoq ukioqarnersut misissuiffigineqarsimava?

C) Aappimik akisoqarpat, inoqatiminnut ulorianartumik pinerluuteqarsimasut %-ii qassit inuusuttunit 18-it 25-illu akornanni ukiulinnit pinerluutigineqartarpat? Ajornanngippat tamanna ukiut tallimani ukiukkaartumik, soorlu 2006-imit 2011-p tungaanut takussutissiinikkut pissasoq kissaatigineqarpoq. Ajornanngippat inuit qanoq amerlatigisut taamatut pinerluuteqarsimanerat aamma passissutissiissutigeqquneqarpoq.

D) Ilisimasakka naapertorlugit Pinerluuteqarsimasunut isumaginnittoqarfik persuttaanermik eqqartuunneqarsimasunut anger management-imik pikkorissaanermik neqerooruteqararpoq. Taamannalli perorsaanermut tunngasumik neqerooruteqarneq tarnikkut peqquteqartumik patsisinut, eqqartuunneqartut persuttaasarnermik eqqartuunneqarnerannut patsisaasunut ikiorsiissutitut naammaginnartinneqarpat?

E) Inoqatigiinnermut tunngatillugu perorsaanikkut pissusilersornikkullu neqeroorut MATU-mik suliniutitullu ittup inuusuttunut 18-it 25-illu akornanni ukiulinnut sakkortuumik inunnut allanut pissuseqartunut persuttaasartunullu neqeroorutigineqarsinnaanera takorloorneqarsinnaava?

Tunngavilersuut:

Inuiaqatigiit kalaallit akornatsinni angerlarsimaffinnilu inoqatinut persuttaasarneq atugaasorujussuuvoq. Persuttaanerit taamak amerlatiginerat nalunaarutini ilisimatuussutsikkullu misissuinerne¹ arlalinni minnerunngitsumillu politiit ukiukkaartumik pinerluttaalisitsinermut

¹ http://www.peqqik.gl/Publikationer/Rapporter_og_redegoerelser/Idekatalog_vold_og_seksuelle_overgreb.aspx

inatsimmik² unioqqutitsisimasunik nalunaarsuutaanni takuneqarsinnaapput. Inatsisartut Naalackersuisullu suliniutit assigiinngitsut ataavartut aqputigalugit piffissap ingerlanerani inuiaqatigiit akornanni persuttaasarnerit ikilisinniarnissaat killilersimaaniarneqarnissaallu suliniutigisarsimavaat.

Ullumikkut persuttaasarnerup inuuniarnermi tarnikkut nappaateqarnermik patsiseqartut ikilisinniarneranut tunngasunik amerlasuunik neqeroorutiniq pigisaqartoqarpoq, soorluttaaq inuiaqatitta akornanni ingasattumik imigassartortarnerup malitsigisaanik persuttaasarnerit ilarpassuannut patsisaaqataasarnera pissutigalugu imagassamut aalakoortartulimmut assigisaanullu sammititanik arlalinnik neqerooruteqartoqartartoq.

Persuttaasarnerup allatullu inuuniarnermi pissusilersortarnerit kinguaariinni kingornuttaanneqartarnerat ajoraluartumik uppersarsarneqareerpoq, taamatut pisoqartarnerani inuit peroriartornerminni persuttaattarnermik allatulluunniit pitsaanngitsumik periaaseqarnermik isiginnitsitaasarlutilluunniit misigititaasartut taamatut pissusilersortarnermik nangitsisarnerat uppersaatsissaqarluarpoq. Taamaammattassunga tunngatillugu meeqqanut inuussuttunullu ilaqutariinnit ajornartorsiuteqartuneersunut, allatulluunniit inuuniarnikkut nanertuuteqartuneersunut sammititanik katsorsaarnermik neqerooruteqartoqarnera nuannersuuvoq.

Tamanna ilaatigut AI13-imi konto pingaarnermi 30.10.37-mi pisortat MATU-mi suliniut aqputigalugu nukappiaqqanut inuussuttunngulersunut, sakkortuumik allanut pissusilersorlutilluunniit kannnguttaatsuliornermik pissuseqartunut katsorsaarnermik neqerooruteqarnerisigit takuneqarsinnaavoq. Taamaattoq neqeroorut taanna meeqqanut inuussuttuarangulersunut taamaallaat sammititaavoq. Isumagali naapertorlugu ullumikkut inuussuttut 18-it 25-illu akornanni ukiullit, pisortat ullumikkut neqeroorutaannit iluaqusinngitsoorneqarsimasunik suli naammattuugassaqarpoq.

Uani 18-it 25-illu akornanni ukiullit inunnut ulorianartumik pinerluuteqarsimanertik pissutigalugu eqqartuunneqarsimasut eqqarsaatigaakka. Pisariaqartitsisoqassappat innuttaaqatigiiaat taakku misissuiffiqineqarlutik pisariaqartitaannik immikkut neqeroorusiorfineqarnissaat pingaartuusutut isigaara, taamaaliornikkut aamma taakku inooriaatsimik taamaattumik sungiussivallaartinnagit peqqinnangitsumik inooriaasiat allannortinneqarsinnaaqullugu. Patsisit siuliani taasama apeqqutinik allaqqaammut taakkartukkannik naalackersuisunut saqqummiussinissannik patsisissaqalersippaanga.

² <http://www.politi.dk/NR/rdonlyres/23B43071-A1B3-483A-BOE3-52163AB0993B/0/%C3%85rsstatistik2011.pdf>

Qupperneq 6 takuuk. Persuttaasarnerit amerlassusaat appariorput, taamaattoq nunanut allanut sanillersuuffigisartakkatsinnut sanilliullugit suli qaffaseqalutik.